



Rath gehalten denn 12. ten Januarij Anno 629

Herren Adam Dischern für sich selbstenn unnd Innamen seiner Hausfrauen schwigern. Ist

Uff eingelegte Suplication wegen aufstendiger Contribution weil er sich dessen beschwehrt, Ist erkhandt unnd ahn der noch schuldigen Contribution 18. lb. Nachgelassen die uberest alß 9. lb. aber solle erstattet werden unnd Hatt Anstatt deß verbrennten Holtzes Zween bäum Zuehauen.

Adam Vischer dass er nechstmahls am Schwörtag vor Einem Ersamen Rath neben Anderen erschienen unnd gleichsam vorschreiben wollen, dass man doch das Ubel auch straffe wegen

...

der Zauberer. Ist dessenwegen zur Straff In den turn Erkhandt worden weil er sich aber ungehorsamb Erzeiget unnd zuem 2. ten mahl mit dem poten nicht gehen wollen, die burgerschafft umb Hülff angeruffen dardurch er seins Eidts vergessen Also dass darauff ein grose Ufruhe entstanden welches nur Einem Ehramen Rath Zuetruz unnd Spott beschehen, Alß Ist er eintag und nacht mit der Gefencknuß abgestrafft, unnd weil er ein Ufrührer der burgerschafft gewesen unnd nach besag der Rechten alß ein Mein aydiger⁴⁹

...

Wohl zustraffen Ime dass Burgerecht Ufgehundt Unnd die geltstraff vorbehalten, welche den 10. ten Aprilis Zue 30. lb. taxirt, unnd widerumb er Zue einem burger Uff pitten Unnd Ahnhalten Angenommen worden.

Adam Beyler der Schmit, dass er sich selbstenn Uffgeworffen vor Rath Zuerscheinen unnd Anzueprüngen die Hexen zuefahen Unnd dass Ubel Abzustraffen. Ist deßwegen mit dem Turn Abgestrafft, allß er nhun neben Hansß Widen Uff beschehener Vorpit widerumben mit der Gefenckhniuß ledig Erkhandt unnd sie peede durch den poten Haben sollen loß gelassen

...